

ინტერნეტ-გვერდზე [www.tbcbank.ge](http://www.tbcbank.ge) განთავსებული ფიზიკური პირის საბანკო ოპერაციების წარმოების შესახებ ხელშეკრულების (შემდგომში "ხელშეკრულების") 8.5 პუნქტის შესაბამისად სს "თიბისი ბანკი" გთავაზობთ ხელშეკრულებაში შემდეგი ცვლილებების (დამატებების) შეტანას:

ხელშეკრულების 5.1 პუნქტს დაემატოს შემდეგი შინაარსის 5.1.9 ქვეპუნქტი:

"5.1.9 ბანკის მოთხოვნის მიღებიდან არაუგვიანეს 3 (სამი) კალენდარული დღისა ხელი მოაწეროს და გადასცეს ბანკს ამ უკანასკნელისთვის ამ ხელშეკრულებით მინიჭებული უფლებ(ებ)ის განხორციელებისთვის ან ამ ხელშეკრულებით კლიენტისთვის დაკისრებული ვალდებულებ(ებ)ის შესრულებისთვის საჭირო ნებისმიერი საბუთი;"

ხელშეკრულების 5.1 პუნქტს დაემატოს შემდეგი შინაარსის 5.1.10 ქვეპუნქტი:

"5.1.10 სრულად აანაზღაუროს ამ ხელშეკრულების და მის ფარგლებში გაფორმებული ხელშეკრულებების დადებასთან, დამონმებასთან, რეგისტრაციასთან, შესრულებასთან და გაუქმებასთან დაკავშირებული ან/და კლიენტის მიერ ამ ხელშეკრულებით ნაკისრი ვალდებულების დარღვევის გამო ბანკის მიერ განეული (მათ შორის კლიენტისთვის შეტყობინების გაგზავნასთან დაკავშირებული) ყველა და ნებისმიერი ხარჯი."

შეიცვალოს ხელშეკრულების 8.2 პუნქტი და ჩამოყალიბდეს შემდეგი რედაქციით:

"8.2 კლიენტს უფლება აქვს ნებისმიერ დროს დახუროს ანგარიში ან შეწყვიტოს ამ ხელშეკრულებით გათვალისწინებული რომელიმე ან ყველა სახის მომსახურებით სარგებლობა ანგარიშის დახურვამდე ან მომსახურებით სარგებლობის შეწყვეტამდე 10 (ათი) კალენდარული დღით ადრე ბანკისთვის წერილობითი შეტყობინების გადაცემის მეშვეობით. ამ შემთხვევაში კლიენტი ვალდებული იქნება ანგარიშის დახურვის ან/და მომსახურებით სარგებლობის შეწყვეტის შესახებ წერილობითი შეტყობინების ბანკისთვის გადაცემიდან არაუგვიანეს 5 (ხუთი) კალენდარული დღისა გადაუხადოს ბანკს შესაბამის ანგარიშთან ან/და მომსახურებასთან დაკავშირებული ყველა საკომისიო და სხვა სახის გადასახდელი."

შეიცვალოს ხელშეკრულების 8.6 პუნქტი და ჩამოყალიბდეს შემდეგი რედაქციით:

"8.6 ამ ხელშეკრულების 8.5 პუნქტში აღწერილ შემთხვევაში კლიენტს უფლება ექნება ბანკის ინტერნეტ-გვერდზე ან/და ბანკის ფილიალებისა და სერვისცენტრების შენობებში ინფორმაციის განთავსებიდან 10 (ათი) კალენდარული დღის ვასვლამდე ნებისმიერ დროს შეწყვიტოს ამ ხელშეკრულების მოქმედება ამ ხელშეკრულების 8.2 პუნქტით გათვალისწინებული წესით. ამ პუნქტით მინიჭებული უფლების განხორციელების (გამოყენების) შემთხვევაში კლიენტი ვალდებული იქნება ამ ხელშეკრულების მოქმედების შეწყვეტის შესახებ წერილობითი შეტყობინების ბანკისთვის გადაცემიდან არაუგვიანეს 5 (ხუთი) კალენდარული დღისა დაუბრუნოს ბანკს ამ ხელშეკრულების საფუძველზე მიღებული ყველა საკრედიტო პროდუქტი (სრულად დაფაროს ყველა საკრედიტო ღირებულება, ოვერდრაფტი, საბანკო კრედიტი ან/და სხვა საკრედიტო პროდუქტი) და გადაუხადოს ბანკს ამ ხელშეკრულებით გათვალისწინებულ ყველა მომსახურებასთან და პროდუქტთან დაკავშირებული საკომისიო, საპროცენტო სარგებელი, პირგასამტეხლო და სხვა გადასახდელი. ამ ხელშეკრულების მოქმედება გაგრძელდება ამ ხელშეკრულებით კლიენტისთვის დაკისრებული ყველა ვალდებულების მთლიანად შესრულებამდე."

ხელშეკრულების 15.1 პუნქტს დაემატოს შემდეგი შინაარსის 15.1.3 ქვეპუნქტი:

"15.1.3 ანაბრით მომსახურების მისაღებად შეანაბრეს აუცილებლად უნდა ჰქონდეს საანგარიშსწორებო (მიმდინარე, საბარათე, სარეალიზაციო ან სხვა მსგავსი) ანგარიში."

ხელშეკრულების 15.3 პუნქტს დაემატოს შემდეგი შინაარსის 15.3.3 ქვეპუნქტი:

"15.3.3 შეანაბრის დამატებითი თანხმობის გარეშე გაუხსნას შეანაბრეს საანგარიშსწორებო (მიმდინარე, საბარათე, სარეალიზაციო და სხვა მსგავსი) ან/და მოთხოვნამდე ანაბრის სადეპოზიტო ანგარიში იმ შემთხვევაში, თუ აღმოჩნდება, რომ შეანაბრეს არ აქვს ასეთი ანგარიში (ამ შემთხვევაში ეს ხელშეკრულება ან/და კლიენტის მიერ ხელმოწერილი ნებისმიერი განაცხადი, რომლითაც ის უერთდება ამ ხელშეკრულებას ჩაითვლება კლიენტის განაცხადად საანგარიშსწორებო (მიმდინარე, საბარათე, სარეალიზაციო და სხვა მსგავსი) ან/და მოთხოვნამდე ანაბრის სადეპოზიტო ანგარიშის გახსნის შესახებ);"

ხელშეკრულების 15.3 პუნქტს დაემატოს შემდეგი შინაარსის 15.3.4 ქვეპუნქტი:

"15.3.4 შეანაბრის საანგარიშსწორებო (მიმდინარე, საბარათე, სარეალიზაციო და სხვა) ან/და მოთხოვნამდე ანაბრის ანგარიშზე ანაბრის გახსნის ან/და ანაბრისთვის თანხის დამატების დანიშნულებით შეტანილი ან/და ჩარიცხული თანხა ავტომატურად (შეანაბრის დამატებითი თანხმობის გარეშე) გადარიცხოს შეანაბრის საანაბრო (სადეპოზიტო) ანგარიშზე."

შეიცვალოს ხელშეკრულების 16.8.3 ქვეპუნქტი და ჩამოყალიბდეს შემდეგი რედაქციით:

"16.8.3 მოითხოვოს გირავნობის ან/და იპოთეკის საგნის მისთვის გადაცემა და ნივთის მისთვის გადაცემის შემდეგ პირდაპირი მიყიდვის ან სამოქალაქო კოდექსით გათვალისწინებული სხვა წესით გაასხვისოს გირავნობის საგანი და რეალიზაციისთვის საჭირო ხარჯების დაფარვის შემდეგ მიღებული თანხა მიმართოს კრედიტის დასაფარავად. თუკი გირავნობის საგნის გაყიდვით მიღებული თანხა სრულად არ დაფარავს

მსესხებლის დავალიანებას, ბანკს უფლება ექნება აღსრულება მიაქციოს კლიენტის/მსესხებლის ნებისმიერ ქონებაზე (კლიენტის კუთვნილ ნებისმიერ ნივთსა და არამატერიალურ ქონებრივ სიკეთეზე)."

შეიცვალოს ხელშეკრულების 17.7.2 ქვეპუნქტი და ჩამოყალიბდეს შემდეგი რედაქციით:

"17.7.2 საკუთარი ინიციატივით, ბარათის მფლობელისთვის წინასწარ შეტყობინების გარეშე ბარათის მფლობელის საბარათო ანგარიშზე დაუშვას საკრედიტო ლიმიტი, გაზარდოს საბარათო ანგარიშზე უკვე დაშვებული ლიმიტი ან საკრედიტო ლიმიტის მოქმედების ვადა, რაზეც ბარათის მფლობელი თანხმობას აცხადებს საკრედიტო ლიმიტის დაშვების შესახებ განაცხადის ხელმოწერით (საბარათო ანგარიშზე საკრედიტო ლიმიტის დაშვებისთვის, უკვე დაშვებული ლიმიტის ვადის გაგრძელებისთვის, საკრედიტო ლიმიტის მოცულობის გაზრდისთვის ან საკრედიტო ლიმიტთან დაკავშირებული ინფორმაციის მიღებისთვის ბარათის მფლობელი იხდის საკომისიოს ბანკის მიერ განსაზღვრული ტარიფების შესაბამისად)."

შეიცვალოს ხელშეკრულების მე-20 მუხლის სათაური და ჩამოყალიბდეს შემდეგი რედაქციით:

## **"20. მარტივი სამომხმარებლო სესხი"**

შეიცვალოს ხელშეკრულების 20.1 პუნქტი და ჩამოყალიბდეს შემდეგი რედაქციით:

"20.1 მარტივი სამომხმარებლო სესხი არის საბანკო კრედიტი, რომელსაც ბანკი გაცემს ამ მუხლით გათვალისწინებული გამარტივებული წესით."

შეიცვალოს ხელშეკრულების 21.1 პუნქტი და ჩამოყალიბდეს შემდეგი რედაქციით:

"21.1 სწრაფი განვადება არის ბანკის მიერ გაცემული საბანკო კრედიტი პირდაპირ სავაჭრო ობიექტებში საყოფაცხოვრებო ნივთის/საოჯახო ტექნიკის/ავტოს/ მომსახურების შესაძენად."

შეიცვალოს ხელშეკრულების 22.1 პუნქტი და ჩამოყალიბდეს შემდეგი რედაქციით:

"22.2 სტანდარტული სტუდენტური სესხი არის ბანკის მიერ გაცემული სამომხმარებლო კრედიტი, რომლის მიზნობრიობა არის ბანკის მიერ შერჩეულ საქართველოში არსებულ უმაღლეს საგანმანათლებლო დაწესებულებებში სწავლის დაფინანსება. მსესხებელი შესაძლოა იყოს სტუდენტი, სტუდენტის მშობელი, ნათესავი ან ნებისმიერი პირი."

შეიცვალოს ხელშეკრულების 23-ე მუხლი და ჩამოყალიბდეს შემდეგი რედაქციით:

## **"23. სალომბარდო სესხი"**

23.1 სალომბარდო სესხი არის ბანკის მიერ გაცემული სესხი, რომელიც უზრუნველყოფილია კლიენტის (შემდგომში "მსესხებლის") ან/და მესამე პირის კუთვნილი მოძრავი ნივთებით (ძვირფასეულობით).

23.2 სალომბარდო სესხის ვადის ამოწურვამდე ან სალომბარდო სესხის დაფარვის ვადის დადგომიდან უზრუნველყოფის საგნების (დაგირავებული ძვირფასეულობის) რეალიზაციამდე ნებისმიერ დროს იმ მომენტისთვის სალომბარდო სესხისთვის დარიცხული საპროცენტო სარგებლისა და პროლონგაციის საკომისიოს მსესხებლის მიერ გადახდის შემთხვევაში სალომბარდო სესხის ვადა გაგრძელდება მხარეთა შორის შეთანხმებული ვადით.

23.3 ბანკს უფლება აქვს ნებისმიერ დროს:

23.3.1 მსესხებლისთვის შეტყობინებით გააუქმოს ამ ხელშეკრულების 23.3 ქვეპუნქტში აღწერილი პირობა;

23.3.2 გადააფასოს სალომბარდო სესხის უზრუნველსაყოფად დაგირავებული ნივთები (შეამციროს შეფასება) და მსესხებელს მოსთხოვოს სალომბარდო სესხის ვადაზე ადრე (წინსწრებით) დაფარვა ფასთა შორის სხვაობის ტოლი ოდენობით ან დამატებითი უზრუნველყოფის წარმოდგენა (ძვირფასეულობის დაგირავება).

23.4 ამ ხელშეკრულების 23.4 პუნქტში აღწერილი რომელიმე უფლების ბანკის მიერ განხორციელების შემთხვევაში მსესხებელი ვალდებული იქნება ბანკის მიერ მითითებულ ვადაში შეასრულოს ბანკის მოთხოვნა.

23.5 მიუხედავად სახელწოდებისა "სალომბარდო სესხი" ბანკს შეუძლია გამოიყენოს ამ ხელშეკრულების 16.8 პუნქტში აღწერილი უფლებები მსესხებლის მიერ ხელშეკრულებით ნაყისრი რომელიმე ვალდებულების დროულად შეუსრულებლობის შემთხვევაში."